



國家清史編纂委員會・文獻叢刊

清代詩文集彙編

國家清史編纂委員會・文獻叢刊

清代詩文集彙編

《清代詩文集彙編》編纂委員會 編

上海古籍出版社

清代詩文集彙編 一〇五

二曲集二十六卷 李 顥 撰

丁景呂詩集不分卷 丁弘誨 撰

拙政園詩集二卷 徐 燦 撰

戒菴詩草六卷 張 晉 撰

槐軒集十卷（詩四卷文六卷） 王曰高 撰

曉庵先生詩集二卷 王錫闡 撰

曉庵先生文集三卷 王錫闡 撰

一

二七五

三二三

三五九

四二一

六六一

六九三

序

儒者之學所以順陰陽明教化凡天地終始之端仁義道德之理死生性命之分成敗理亂之經莫不修之於身而措之於事及其被於物而薰陶長育以成就之也如江海之浸膏澤

二曲集

序

之潤渙然怡然相率於不自知蓋以學術而正人心其重且大如此蓋屋李先生以理學倡闢中以躬行實踐爲先務自入倫日用語默動靜無一不軌於聖賢中正之說而尤以悔過自新一語爲學者入德之門建瓴挈

二曲集

序

綱發矇起瞶學者或親受業於先生或聞先生之緒餘而私淑向往者幾遍天下也予嘗考有宋諸儒及元明以來相承之次第爲學之本末立說之同異蓋三致意焉而先生亦論之詳矣謹之於視聽言動由之於學問思辨博文約禮下學上達循序以致精者考亭之學也先之以立大本繼之以求放心曰易簡曰覺悟其後良知之繼興使人靜時常覺動時常定澄瑩本體以去其逐物之流者則自金谿以至姚江之學也顧其詆訶齟

齟則以着意精微爲陸沉以留心傳
註爲榛塞訓詁支離考辨玩物重爲
朱門遺議而攻象山陽明之短者以
其守虛無之說昧天理之真詆訾聖
賢捐棄經典甚至大乘上根聖胎聖
果直筆於書是口談東魯而手援西

二曲集

序

三

竺此流分派別之所以異也然朱子
之學先之以窮理要之以居敬歸之
以至一淳熙中還自浙東見士習馳
騫於外每語學者以孟子道性善及
求放心兩章務收斂疑定又與何叔
京書以爲靜中涵體認大本末發時

氣象分明此龜山門下相傳指訣深
悔當時方好章句訓詁之習無一的
實見處則亦未嘗不合於象山之說
而觀象山文集所載又未嘗不教其
徒讀書其亟所稱述以誨人者曰居
處恭執事敬與人忠曰克己復禮曰

二曲集

序

四

萬物皆備於我反身而誠樂莫大焉
陽明之在螺川與諸生談論謂吾儕
以困勉之資而悠悠蕩蕩坐享生知
安行之成功豈不誤已又曰良知之
妙真是周流六虛變動不居若假以
文過飾非爲害至大此時亦似隱隱

已知流弊而漸還轅於新安矣此岐途合轍之所以同也今先生會萃群儒之說而折衷之以獨見其大要以尊德性爲本體以道問學爲工夫兼盡姚江考亭之旨先生之言曰末流多玩實致者鮮往往舍下學而希上

二曲集

序

五

達失之恍惚虛寂故湏救之以考亭而世之闢姚江至諱言上達惟以見聞淵博辨訂精密爲學問之極有稍知向裏者又祇以克伐怨欲不行爲究竟大本大原類多茫然亦非所以善學考亭也觀此則可以知先生修

已立教之大凡矣曩者毘陵守駱公敦請先生講學江左時予令驪沙得晨夕奉教深與定交別後先生德愈邵道益尊爲

當宁所重屢徵不起惟孜孜以闡明學術救正人心爲至急歲辛未高子嵩

二曲集

序

六

侶視學秦闢究心理學因式廬而請見焉適先生及門高第弟子王爾緝心敬彙先生散藁成集遂捐俸付剞劂癸酉冬刊成予序其簡端程子曰聖人之學不傳則無真儒無真儒則天下貿貿焉莫知所之矣世有先生


學者考道問業因以上追闢閩濂洛之遺緒其有功於人心學術者顧不大歟因書此以質之先生

康熙甲戌之孟春閩中鄭重拜題

二曲集

序

七



附

司寇鄭公書

驥沙講學之年早親絳帳秦國持衡之日希晤芝睂私計生平所服膺者惟我

徵君先生之理學德業迄今猶令人仰企山斗也向以承乏卿貳夙夜在公遙望二曲之間愧莫能馳候左右常耿耿爾敬門人高子居恒仰慕道範每以無由親炙爲憾近幸視

二曲集

書

八

學闕隴禮謁講壇擬捐清俸求著述鴻篇登諸梨棗果肯出其緒餘以傳世否茲值敝門人惠生以登第錦旋特附小函奉訊道頌知惠生夙奉架訓久列門牆計其將來有需求民社之責還祈高明所見豫示以修己治人化民成俗之方俾行其所學有以仰報君父者卽因以不負師傳是所厚望也新任富平令君蔣諱陳錫雅慕道範幸進而教之諸不

盡佈

又

恭讀二曲集知老先生力學彌篤著述彌勤
洵當代之真儒也每思濂洛閩閩之後相距
數百年求其留心道脈繼往開來不啻晨星
落落今西望而有李二曲南望而有王姚江
竊爲斯文之幸敬擬一序文未雅馴而獲附
於大集以並傳實與有榮焉特託高子崙函

二曲集

書

九

馳候不盡依切

學憲高公書

恭惟老先生海內真儒閩中正脈道惟實踐
折衷朱陸樞機學有淵源炳烺呂馮薪火彌
縫絕業不習太平十二策之文汜獲高風止
結金華四先生之隱鳳翔千仞卓爾不群
詔避三峰灑然無累誠士林之矜式而學圃
所儀型者矣憶自道杖南來曾聆提倡於臯
比座下未得摳衣請益私心竊以爲憾嗣值

二曲集

書

十

還山高卧道德彌尊趨嚮徒勤未由親炙猥
以黠識謬任衡文雖密邇通德名賢擬附式
間之義俾得聞所未聞藥其固陋祇緣鹿
星輶尚稽造謁有違大君子之教皇風企仰
時切怍怍而瓣香攸屬不能自外也填出春
明時往別敝老師鄭少司寇拳拳以名山著
述爲念命措百金仰佐剞劂茲先具四十金
端後馳到餘容續致外又鄭夫子寄贈四十

金一併賣奉素稔老先生一介辭受於義必
嚴但從嘉惠後學起見存此纖屑得裏盛舉
雖不敢謂仁者之粟實出薄俸所分非世俗
應酬可比萬希勿却頒發工人得副鄭夫子
千里敦勤之意則爾公竊叨有榮施矣伏惟
台茹臨啓曷勝翹瞻

二曲集序

二曲李先生所著諸書予最嗜愛如四書
反身錄亦既僭爲之序矣近聞中諸同人
謀刻先生平日著述總顏之曰二曲集予
得而卒業竊窺先生之學全在躬行其躬
行之實在安貧改過或曰呂文簡語錄二
十七卷馮恭定全書二十四卷諄諄於安

二曲集

序

貧改過之間關中士大夫夫人而能言之
矣予謂先生之安貧改過蓋非托之空言
實有見諸行事之深切著明者明崇禎壬
午太翁勤王事以討賊歿於中州之襄城
先生尙幼日夜泣血太夫人在堂不可遠
訪遺骸太夫人歿服闋康熙庚戌步詣襄
城虔禱城隍招魂抱三歸至誠感神群鬼

夜哭閩邑共聞詳邑宰張公記中太夫人
之生也督學杜公旌節歿也督學鍾公表
墓閩司張公修整總臺鄂公建祠將臺馮
公撫臺巴公道臺郎公等致祭郡守董公
等增廡建坊先生顯親揚名亦可告無罪
於二人矣乃先生終不自安每謂竟歸齒
塋不如瘞玉之爲愈也節旌名傳不如資

二曲集

序

二

養之無闕也從此食不甘衣不華獨居聖
室自號罪人覺終身在過中終身在欲改
未改之中視僅僅較一言一行之偶誤而
圖維日新者其深淺何如也或曰布衣青
帶之士夙限於時而不得不貧垂紳戴縱
之儒偶失其勢而不能不貧先生布衣其
貧也宜予謂先生可以貧可以不貧可以

貧而貧人能之可以不貧而貧人不能也
自癸丑督撫以地方隱逸薦奉

旨促之起屢辭以疾戊午當路又以海內真

儒薦徵書如雷終以疾辭辭不允絕飲食

者五晝夜遂闕自盡觀顧寧人

諱炎武

日知

錄載贈先生詩有曰從容懷白刃決絕却

華輶然則先生之貧先生之學之力之胆

二曲集

序

三

爲之也使先生之學之力之胆不至此則
其貧未必至此或曰此番舉動固非石隱
者流常與吳康齋並傳予又聞王心齋之
答陳御史曰伊傳之事我不能伊傳之學
我不由跡先生生平之學未必以康齋爲
由也泰和羅氏稱康齋辭官一節足以廉
頑立懦江浦吳氏稱康齋疏凡四上清風

峻節凜乎千古按康齋辭官時年已七十矣廉頑立懦清風峻節固加人一等戊午之役先生方壯年止以二人生無資養歿未耐塋極之蹈三刀却

丹詔毅然爲之而不悔所謂躬行大率類此方今年益高養益遼閑戶謝客過此以往無論康齋非駐足之地卽文簡恭定恐亦

二曲集

序

四

不足歇脚也知先生之躬行而後讀先生之諸書庶可以得先生之萬一也乎

皆

康熙庚午夏六月

洪洞同學弟范鄣鼎敬識於木鐸樓下

二曲集序

自古道學之傳先河後海源流井然其間絕而復續起墜振衰固由天心啓佑實人事有以續承之紹往緒而迤來茲匪偶然也曩者臨安駱公以命世才來守吾郡倦倦於人心世道之防一日學宮講藝謂諸生日當代有二曲李先生者諸生聞其人平余向令整屋知爲理學儒宗執弟子禮師事之今當遣介折簡延致毘陵與諸君子修明正學濂洛關閩之盛可復見也已而先生至臯比書院執經問業者雲集毘陵人士無不知爲李先生者余是時方釋褐歸里聽其微言緒論欣然嚮往居未幾駱公憂去先生西歸余亦以赴選入都永

遑卒業歲辛未余奉有視學西秦之

命竊幸典型在望仰止匪遙下車後造廬而

請見焉卽其氣宇冲和狀貌淵古較之在

毘陵時道氣更深爰受其書讀之貫徹本

原折衷同異一洗支離蔽鋼之習遽然歸

於至正益信先生之書蓋以身言而不徒

以言言者也方先生生長西陲崛起於荒

二曲集

二

崖寂寞之間不由師資毅然以正學術紹

微言爲已任其爲學也身體力行由下學

以漸幾乎上達篤志潛修不求聞譽當路

大臣訪知其學行疏薦於

朝屢檄嚴催堅卧不起其高風峻節塵視軒

冕屹然有鳳翔千仞之槩跡其道高身隱

雅不欲以著述自鳴門人裒輯其所見聞

計若干卷彙而成集其發揚道妙類皆感

觸於學者質疑請益之際而於吾郡爲尤

詳聞考吾郡之先龜山楊文靖北學程門

歸而講道東南留毘陵十有八載一時名

士咸左右之歷元及明絕續不一維東林

號稱最盛然黨禍一起諸君子相繼羅織

七十餘年斯道失傳學者不復知有身心

二曲集

四序

三

性命之理先生起而闡揚先緒炳然日月

中天疑者析迷者悟若昏夢之方醒若沉

疴之驟起豈非其心源印合上接文靖而

下與高顧諸君子後先一轍乎余服膺先

生之教已久而又忝司文衡具有表章斯

道之責使先生之書不傳則先生之教不

顯非所以崇實學示後世也適司寇鄭夫

子由京邸致書亦諄諄以名山著作爲念
余因仰承師志割俸付梓用襄盛舉工竣
之日將以刊布澤宮風勵後進庶幾閭中
之士知所景從且使海內之有志斯道者
尊所聞行所知由此而進德修業富有日
新上接諸儒之傳遠窺千聖之奧是則先
生立言之志也夫

二曲集

序

四

康熙甲戌季夏三秦學使高爾公敬題於
長安官舍



新刻二曲先生集序

聖學至明季而大明實至明季而大明蓋自門戶之
獎與重悟者眇實修重修者罕實悟眇實修者或至
以力行爲徇迹罕實悟者或至以真知爲驚空東林
雖嘗折衷調停而持論過刻至以深文鍛成姚江莫
須有之罪而沒其探本窮源不可搯之功亦終無以
服天下萬世公是公非之心而消其不平之鳴迄於
今朱陸薛王之辨紛紛盈庭而千聖同歸一致之理
遂不復可問諸儒先補偏救弊之旨亦遂如齊楚秦

二曲集

序

晉之分疆別域而不可相籍又甚者如吳越之大怨
深冤而終不可相能門之內自尋矛盾洪水猛獸之
禍不烈於是矣其弊始於倡教者矯枉之過直而其
後遂中於人心世道而不可卒解 二曲先生崛起
道敝學湮之後不由師傳獨契聖真居恒所以自治
與所以教人一洗從前執方拘曲之陋而獨以大學
明新止善之旨爲標準其言曰真知乃有實行實行
乃爲真知有真本體乃有真工夫有真工夫乃爲真
本體體用一原天人無二信斯言也博文約禮天德

王道一以貫之不惟世儒門戶之獄片言可折即朱陸薛王之學殊途同歸百慮一致不惟不悖而反相爲用并異同之形亦可以不存蓋自是而聖學始會極歸極於孔孟矣自昔論者謂朱子集諸儒之大成王文成接孔孟之真傳然皆不免於偏重之勢以啓天下後世紛紛之爭自先生出而不爲含糊兩可之說而數百年不決之訟獨能悉泯於無形以融諸一途相携而論將所謂集諸儒之大成接孔孟之真傳者識者知其端有假歸矣先生之書南北雖傳

二曲集

序

布已久而小種零碎讀者每以不獲快觀大觀爲憾辛未秋今司寇富沙鄭公學憲毘陵高公慨然以興起絕學爲已任捐俸合刻而諸同人亦相與量佐共襄盛舉工始於辛未仲冬竣於癸酉季秋昔真文忠表章朱文公之學於帥長沙之日王文成刊布陸文安之書於撫江西之年一時學者翕然丕變朱陸之學傳天下而大行後世者君子以爲二公羽翼之力居多今以先生大中至正之學得二公以名德重皇表章而刊布之行見家傳戶誦雖五尺童

子莫不曉然知聖學自有正宗嫡傳而數百年紛爭是非之端自此悉泯孔孟久湮之學自此日昌而日著則二公闡興正學之功文忠文成不得專美於前矣其集末附義林記事及李氏家乘者見先生一門忠貞道德先後輔弼世濟厥美抑又可以風世勵俗是又二公振頽興倫之盛心云

鄆縣受業門人王心敬百拜沐手題

二曲集

序

三

二曲集序

二曲先生之書及身錄梓於學憲淝水許公家長兄輯五重梓於肇慶府署其平日論學之書四方既各梓有專種而少司寇富沙鄭公學憲武進高公仍復彙爲二曲全集行世蓋先生之書南北傳布久矣而或者謂先生之論學也立本主性守身主循禮致用欲其成已成物至其論讀書又專主反身實踐似先生之學樸且迂於世俗嗜好習尚或相違焉嗟乎聖賢之學何爲者所以學爲人也爲人之道內之存

二曲集

李序

心外之守身而已推之人欲其同歸於善考之古欲其實獲於已而已今試思立本而非盡性本可得立乎守身而非循禮身可得守乎致用而非已物兼成亦何貴此用者且讀書而不能反身實踐則讀書又奚爲豈學專主於記誦詞章供吾輩掇科第希富貴取悅當世而已乎癸未冬

天子西巡詢先生動定論令兩臺徵詣行在欲有諮詢先生堅以疾辭大中丞鄧公遂以反身錄二曲集進上命詞臣細心看閱一時翰苑諸公進奏云李某反身

錄發明四書之理大指欲人明體適用反身實踐人人能反身實踐則人人可爲君子世世可躋唐虞真堪羽翼朱註此書流行有裨

聖治不淺其二曲集亦皆醇正昌明與反身錄相爲表裡至哉斯言先生之書大旨於此可見先生之學其要歸亦於此可知而謂可與世俗記誦詞章之學比類而觀乎彼以先生之學爲樸爲迂者得毋以世俗口耳之見參之歟 功 夙佩先生之教讀其書者數十年於茲矣竊有見於先生之學爲孔孟有體有用經世善俗之學今讀諸公進奏之語深服其見之精卓而得我心之同然也於是附記諸序之末以告吾黨讀先生之書者

二曲集

李序

二

康熙四十四年歲次乙酉冬十月朔日三原李彥功重五氏譔

小引

吾師二曲先生崛起關中以一身任綱常名教之重繼往開來爲世儒宗海內學士大夫仰若泰山北斗祥麟瑞鳳渴欲覩其言論風旨以當親炙而先生平日講學明道之言散見於同蒲富平江左山右板行者各自爲種規彼遺此未窺全豹小子暨二三同志每思彙輯合刻顧悉帙浩繁爲費不貲茲謬不自度除自新說觀感錄關中書院會約三種乃先生手筆學簡係先生傳心要曲不敢妄有芟減其餘學人所錄先生荅問之語謹撮其要同書牘雜著勒爲斯集庶觀者無望洋之歎而先生言論風旨之槩具是矣言言發於天籟出自性靈不離日用常行洵千古不傳秘密明眼人觀之當自莫逆於心然觀先生之言固足以淑身心振頽俗抑先生生平足以淑世而振俗者僅言也乎哉有先乎言者矣壁立萬仞之操百世而下聞其風者猶將頑廉懦立矧生同其時乎懿德之好人有同然因好興感毅然思奮則先生扶植世教砥礪名節之功有不可得而訛者矣

二曲集

卷

小引

一

三百四十五字

郭縣門人王心敬沐手謹識

二曲集

卷

小引

二

三百四十五字

二曲集目錄

卷一

悔過自新說

卷二

學髓

卷三

兩庠彙語

卷四

靖江語要

二曲集

目錄

卷五

錫山語要

卷六

傳心錄

卷七

體用全學

卷八

讀書次第

卷九

東行述

卷十

南行述

卷十一

東林書院會語

附應求錄

卷十二

匡時要務

卷十三

關中書院會約

二曲集

目錄

卷十四

蓋屋答問

卷十五

富平答問

附授受紀要

卷十六

書一

卷十七

書二

卷十八